

Dingj Guh Baenaj Couh Ndaej Baenz

——Geiq saeh bwh hong doxdax dungxcaiz Vahcuengh Biucinj

□ Cinz Lisinh/覃丽新

Duenh gonq, gaiq daihsam daengx gih Vahcuengh biucinj dungxcaiz doxdax youq Namzningz guhsat lo, aen cietmoeg 《Hwnjdin》 hagdangz dou ndaej aen mingzdaeu ndei he——ngeihdaengjciengi, boux cujci ngamq senhbu gezgoj, gou gikdoengh ndaej raemxda cungj yaek roenx okdaej. Baez dungxcaiz doxdax neix, gij ginggvaq caepcawq de dwg dwgrengz dangqmaz, hoeng dou cungj gug mbaek gug mbaek yamq gvaqdaej lo. Ngeuxgyaeu dauq ngeixngeix baez ginggvaq caepcawq faenh hong neix, gij fubfab ndaw sim gou lij hwnjhwnj roengzroengz dem.

Ndwen gonq ndwendaej, ndaw si gyauyuzgiz fat dungheih daej hagdangz dou heuh dou caepcawq cietmoeg bae camgya gaiq daihsam daengx gih Vahcuengh biucinj dungxcaiz doxdax. Ciep ndaej dungheih, lingjdauj hagdangz couh siengi daengz heuh gou (Aenvih hagdangz dou cij miz gou bae hagdangz Sawcuengh hag gvaq Vahcuengh biucinj) bae ca aen

cietmoeg okdaej bae camgya. Hoeng neix cingq youq duenh gou guh gij hong caepcawq swcigih 60 hopbi caeuq gij hong roengz mbanj fuzbinz nyaengq ndaej laep mbwn laep dei. Hoeng vih haeujcoengh gij hong baihgwnz, ndaw sim hix saenq: Ruz daengz gyaeu giuz rox gag soh, cijaeu gou vid genbuh hwnjdaej guh, itdingh guh ndaej okdaej. Yienghneix gou comz doenghboux doengzsah miz dungxcaiz ak haenx gyaban raiz ok faenzcieng guh sawheiq, aeu baiz aen siujbinj ndeu bae camgya.

Sawheiq dingh ndei le, gij hong cieplaeng couh dwg senj ok gak boux yenjyenz daej baizlien. Aeu baizlien ok cietmoeg couh aeu bae senj ndei vnz. Senj vnz gig mbouj yungzheih, gonqlaeng gungh senj le sam bang vnz. Aenvih hagdangz dou dwg youq ndaw singz, gyoengq hagseng daj iq henz ndang couh humx miz gyoengq vnz gangj Vahgun, gig noix miz vnz gangj Vahcuengh, gyoengqde couh noix miz vnz rox gangj Vahcuengh. Bang daih' it dwg senj doenghboux nyienh hag

Sawcuengh haenx. Daj baihdaw gyoengqde sien senj ok boux fatyaem loq ndei di okdaej sawq yaem sawq doeg. Ginggvaq sawqyaem, senj aeu doenghboux fatyaem cingcuj mbei hung youh nyienh hag haenx. Gij hagseng louz roengzdaej haenx cungj dwg baez daih' it raen Sawcuengh, ndaw sim roxnyinh gig mizyinx, gig gyaez hag haengj hag. Ngoenz daihngaih daej hag seiz, miz vnz couh miz di mbouj haengj hag lo, aenvih gyoengqde mbouj rox gangj Vahcuengh, gyoengqde nyinhnaeuz Sawcuengh caen mbouj yungzheih fatyaem, daegbied dwg gij sawloih hamz miz lai cih singmeh youq ndaw, couh gig hoj fatyaem. Gou son le baez dem baez, miz mbangj boux couh dwg mbouj rox fatyaem, lienh bae lienh dauq, doengh boux gag rox hojnanz couh suk dauqbae mbouj nyienh baizlien lo. Miz mbangj dwg bae ranz doeg hawj bouxlaux dingq le, bouxlaux nyinhnaeuz hag aen cietmoeg Sawcuengh neix nguh gij hagsib swheiq, hix doiq okbae mbouj lienh lo. Doeklaeng lw miz bet boux

roengzdaej lienzdaemh hag. Hoeng aenvih gyoengqde mbouj miz saek di giekdaej Sawcuengh, baihlaeng geiq sawloih hix dwgrengz raixcaix. Mboujguenj baenzlawz yiengh, gou hix cungj dwg naihsim naihhoz bae son gyoengqde. Baez aen baez aen sawloih menhmenh son, youh baez boux baez boux ndeindei son aeu rox doeg, caenhiengh son gyoengqde ndeindei hag dingq hag doeg. Miz saek aen sawloih gou son le cib baez ngeihcib baez cungj miz, hoeng gyoengqde cungj mbouj doeg ndaej baenz yaem biucinj, mizseiz sim gou hix cungj naiqnetnet bae ne. Lumj dwg cih “mbwn”, gou menhmenh son doeg: mb——wn——mbwn, mb——wn——mbwn, danhseih gyoengqde cungj dwg doeg baenz “bwn” okdaej, son ndaej gou simgip simnyap bae. Faenh sawheiq neix gungh miz bet bak lai aen sawloih, gou son gyoengq bouxyienj doeg hix aeu doeg hwnj fanh sam fanh seiq baez, son ndaej gou bak rauj hoz hawq yaek ok hoenz bae.

(caengz sat)

Daxmeh Gou

□ 贵港市覃塘区蒙公镇高占小学三(1)班 Liuz Gizfanh/刘倚帆

Daxmeh gou bineix 38 bi lo, hen byoemgyaeu raezlanglang, doiq lwgda ndeu ronghrikrik. Daxmeh gou vah gig lai, gawq vah ndeu gangj bae raemh dauq, gou dingq ndaej dujrwz cungj hwnj dae lo. Hoeng, daxmeh gig gyaez gou.

Miz baez ndeu, gou cingq yaek bae zozyau, daxmeh unqswnh naeuz: “Lwgbauj, doekfwn lo, mwngz aeu gaem liengj bae bw.” Gou yawjyawj, raen cij doek miz geij naed fwn, gou gik gaem liengj, couh gangj: “Geij naed fwn' iq neix, lau gijmaz!” Daxmeh youh naihsim naeuz: “Danghnaeuz doek fwnhung ne? Vagbuh mbouj dumz ha?” Gou mbouj dawz haeujrwz, gangj: “Gizlawz miz fwnhung, Mwngz hemq de doek de cungj mbouj doek bw!” “Lauheiq doek fwnhung ne?” Daxmeh youh hozraez dwk gangj. Gou dingq le, hozndat dwk dap: “Haenx dwg aen saeh lauheiq, daj gizlawz ndaej daej baenzlai lauheiq! Vah mwngz caen lai ha!” Daxmeh dingq le najcingq dwk

naeuz: “Mbouj ndaej! Mbouj lauheiq hix aeu daiq liengj bae! Ndei gvaq deng fwn rwed.” Gou mbouj caiq guhsing, hujdengdeng dwk gaem aen liengjiq couh okdou lo.”

“Gaem liengjhung ha! Liengjiq cij ndaej dangj ndit caeuq dangj fwn iq!” Daxmeh youq baihlaeng rangz singhung. Ngw! Caen lohsoh! Gou gyajcang dingq mbouj nyi, buet bae zozyau lo.

Youq gyang loh, fwn yied doek yied hung, lumj bat dauj raemx daj mbwn dauj roengzdaej. Mbouj ndei lo, doiqhaiz, dinvaq deng rwed dumz lo. Gou dawz liengjiq ngeng baihnaj bae, baihlaeng aen daehsaw youh deng fwn rwed. Gou youh dawz liengj iq ngeng baihlaeng bae, doiqhaiz, dinvaq youh deng fwn rwed. Gou gietdingh baujhoh daehsaw, mbouj hawj daehsaw rwed fwn.

Byaij daengz zozyau, doiqhaiz caeuq gavaq gou cungj dumzsoemsoem lo. Ai! Danghnaeuz dingq vah daxmeh couh ndei lo.



Mbouj geij nanz, daxmeh byaij haeuj gyausiz yawjraen gou, naeuz: “Hemq mwngz gaem liengjhung, mwngz youh mbouj dingq, ndang dumz sat caengz? Mbouj dingq vah bouxlaux, gwnvi youq dangnaji!” Gangjsat, daxmeh dawz aen daeh hawj gou, lwnh gou bae vuenh haiz, vuenh buhvaq.

Cuengqhag ma daengz ranz, daxmeh cawj vanj raemxing hawj gou ndoet, youh cienq raemxhing hawj gou cimqdin. “Neix dwg re dwgliengz!” Daxmeh youh nambetbet lo.

Seizneix, gou cij rox daxmeh lohsoh dwg vih gou ndei ha! Daxmeh, gou gyaez mwngz. Baezlaeng, gij vah mwngz gou aeu geiq haeuj sim bae, mbouj caiq hawj mwngz yousim gou.

(lauxsae son'gyauq Cinz Caijfnh/覃彩芬)

Ngoenzgeiq Hoh Gyaeq

Ngoenzneix dwg ngoenz daihsam guh hoh gyaeq hengzdoengh.

“Vangz Sizyij, mwngz ak dahraix!” Seiz roengzdangz yietnaiq haenx, gou dingqny Vangz Yozhanz haenh Vangz Sizyij ne. Gou siengi: De itdingh dwg naeuz gij “doenghyiengh dajcang” Vangz Sizyij ak dangqmaz ba. Mbouj yawj mbouj rox, baez yawj, lij caen doeksat hwnjdaej bw! Vangz Sizyij youq gwnz gyaeq suet le song caengz daeh baujsien! Fug lo, fug lo! Daengz seizneix——ngoenz daihsam banhaet, gij gyaeq de lij ndei mbouj deng vaih. Gou youh yawjyawj Siujghudungh, de hix ndei dangqmaz ne. Gij gyaeq gou hix suet le hauilai caengz, doengzyiengh dwg “cungj fuengzre”, daengz seizneix hix mbouj vaih, ndaw sim gou hix diemzswdswd.

Hoeng gij saeh boihseiz haenx okdaej lo: Hwnj dangz yijvwnz seiz, lauxsae cingq bingzgangj sigenj. Boux doengzdaiz gou Cinz Mingzyij miz diuz daez ndeu mbouj rox, siengi yawjyawj gij dazan deng gou, mbouj siujsim bungq aen daiz gou baez ndeu. Aen Guhdungh couh youq gwnz daiz diuq hwnj “foux baenqcieng”, yawj de couh yaek doek roengzbae lo. Hoeng couh dwg seizneix, aen hab vwnzgi gou hix yaek doek lo. Gou baez muengz, muengz lai ok luenh lo, lienzmuengz rex aen hab vwnzgi baez ndeu, gingqyienz lumz Guhdungh bae……de “vutmingh” lo, ai……

Yawjyawj gyoengq “mingzsingh hoh gyaeq”, gou hozhaenz youh najmong. Gyoengqde cingq dwg aeu naihsim caeuq saeqsim cij guh baenz ne. Danghnaeuz gou caiq saeqsim saek di dem, yienghneix “boux mingzsingh hoh gyaeq” hab' ingi ndaw de itdingh hix noix mbouj ndaej gou ha!

(Vuz Yizsangh/sij Veiz Yinyiz/hoiz)